

兼濟堂文集



978946

兼濟堂文集目錄

卷之十八

誥授通議大夫兵部侍郎賢甫楊公墓誌銘

勅授文林郎山西道監察御史君實鄭公墓誌

銘

故明陝西道監察御史巡視漕運涵三白公墓

誌銘

誥授朝議大夫山東布政司叅議灑林李公墓

誌銘

兼濟堂文集

卷之十八 目次

前孝廉公儀張公墓誌銘

學博方玉白公墓誌銘

勅封文林郎中書舍人勾山張府君墓誌銘

誥授奉政大夫提督浙江學政按察司僉事子

高崔府君墓誌銘

誥授奉政大夫戶部山西司郎中雪麓王公墓

誌銘

誥授奉政大夫浙江嚴州府同知頤中楊公暨

元配劉孺人合塋墓誌銘



勅贈文林郎李太公墓誌銘

誥贈奉政大夫恭階孫公暨姚太宜人合葬墓

誌銘

別駕沱濱高公暨魏孺人合葬墓誌銘

前中翰抱宏姜公暨元配賀孺人墓誌銘

誥授奉政大夫吏部鴻公史府君暨元配崔宜

孺人合葬墓誌銘

孝子李公紹府君暨元配丁孺人墓誌銘

誥封淑人高母王太君墓誌銘

兼濟堂文集

卷之十八

目次

二

勅贈孺人錢母趙太君墓誌銘

勅封孺人郝母張太君墓誌銘

誥封一品夫人高母李太君墓誌銘

誥封淑人楊母徐太君墓誌銘

傳觀文林郎李太公墓誌銘

兼濟堂文集卷之十八

柏鄉魏喬介貞菴著

男 勤同較

嘉孚
莠形

誥授通議大夫兵部侍郎賢甫楊公墓誌銘

余嘗盱衡當世士之以功名自見者大約與祖宗之積累居平之學問實相爲感兆焉故源之遠者流必長根之固者枝必茂理固然也今世人亦知積德行善之可慕而信之不篤行之不恆卽少有所就終不克底於成又安能必功名之旣懋而子孫之克昌哉

兼濟堂文集

卷之十八

一

少司馬楊公者諱時薦字仲升號賢甫先世爲晉之洪洞人遷於鉅鹿七傳而至公公天性篤孝悌嘗以不獲孝養封翁爲恨奉太夫人情文備至故遐邇以孝聞遇胞兄別駕公病籲天願減已筭以益之讀書下帷攻苦不妄交遊而孜孜善誘從學生徒多賴公以成立每閱古人忠孝遺事輒感奮自勵於爲善最樂一語身體而力行之丙戌提南宮筮仕山東聊城令能以善教得民民咸誦之分閱山東鄉闈得士六人後皆成進士嗣擢主樞曹政旋貳職方典山東辛

那試舉士惟百時稱藻鑒由武選僉憲中州司郵政
兼陞務釐奸飭法夙弊頓清攝學使者篆錄遺八百
餘人入穀者濟濟焉晉貳璽卿歷大鴻臚宗人府丞
莫不隨分盡職及

寵命三錫恭唐

殊眷授階通議大夫贈二代如其官廕一子官監生擢
副西臺掌憲乃位日通顯心愈謙小以余之掌臺數
載也凡有謨猷必相商酌而後入告刑曹諸獄有關
民命者必與余協力爭之以求全活尋奉

兼濟堂文集

卷之十八

二

旨告祭秦蜀山川歸而詩滿奚囊佳句層見疊出一時
莫不嘉賞蓋公素不以詩名乃爲之輒佳較彼刻燭
拈鬚半生潦倒其中者不足云也先是楊猶龍詩名
噪海內至是鉅鹿有二楊之稱矣陞少司馬督捕逃
人我

朝逃人之例最爲嚴密各直省大猾往往鉤通督捕
各役網羅愚懦株連蔓引寃抑無筭及至辯明而破
家析產者已纍纍矣自公視事與同官悉心條議革
其夙弊簡其條教捕政爲之一清公生平宦跡所至

必以勤卹子惠爲先凡有措施必本以至誠惻怛之衷期於洞中民隱而至於賑濟窮黎施恩行道猶其小焉者也先是公壯年無子人以爲憂至五十後連舉二子長君逾千尤穎異不羣天之報施善人如此司馬遷之言豈足據耶余與公兒女至姻又丙戌同譜兩姓子姪迭爲婚媾宗姓繁衍將於是卜誌公墓余又焉能辭公生於明萬曆戊戌年三月初五日寅時卒於康熙丙午年四月二十九日丑時得壽六十有九元配蕭氏贈淑人續配王氏李氏又續配徐氏封淑人子二皆徐氏出長逾千娶余長女次逾千女七一適鴻臚序班李男庠生述先一適蔚州知州王化行男廩生之繡俱李氏出一適寧晉縣孝廉高光彥子一適句容知縣韓有倬男庠生溥一適刑部侍郎石申男官監生璋一適與余男官廩生勳其二尚幼在室俱徐氏出

銘曰世有賢哲爲人耳目終日勤勞不疾而速造物爲徒以清以淑藏魄於斯如行得宿公壽維何六十九年公嗣維何迥逾翩翩乾坤大寐至理安全青青

原上司馬新阡

秉濟堂文集

卷之十八

四



新上司馬新阡

文苑勅授文林郎山西道監察御史君實鄭公墓誌
兼濟堂文集

侍御君實鄭公旣歿之後半載其子獲野以高子所
爲行狀衰絰而登余之堂曰先君子平生孜孜矻矻
質直慕義今不幸卽世隧道之石匪藉琬琰無以藏
諸幽也今奄奄有日矣敢以是爲請余聞古之君子
不惜一言以揚人之善於無窮况余交公最久亦知
公甚悉聞其歿且哭之矣茲又安得以不文辭也按
公諱名字君實別號率叟其先山西洪洞人遷寧晉
兼濟堂文集

卷之十八

五

至公八世矣父少泉公以公貴贈侍御母蔡氏贈孺
人公兄弟七人皆魁傑出衆而公更磊落有大志美
丰儀就傳之日卽以力學顯親自矢庚午補郡博士
弟子員食廩餼贈公歿居喪一循古禮乙酉舉孝廉
已丑成進士授福建永春令永地設有防兵與居民
雜處悍且衆爲害於民特甚前官多畏不敢問時有
兵白晝持械擊殺人公欲按以法而慮其不肯卽伏
更恐鼓譟召變乃托以他事躬謁上官密白其狀於
文武兩大府卒按律坐抵防兵由是少戢先是兵燹

之後邑中城郭蕩然部民之居城者僅三十餘家耳
自公至而以次葺城垣脩學舍招集流亾振興文教
不踰年而煙火相望商賈雲集居然一都會矣辛卯
校鄉闈得葉獻論等八人壬子丁內艱將歸里永民
遮道號泣旣去而更爲立碑頌其功德服除補陝西
宜君縣令宜與永福窄不相上下而人民之寥落閭
井之荒涼殆更過之長吏無廳廨可居常露處聽事
如學宮城隍廟皆自公而捐造焉曰吾敬以事神而
後可愛以及民也會久旱人心洶洶公竭誠步禱曰

天誠不欲活此一方民乎毋寧降災於任此土者未
幾雨果大沛民始定蒞宐四載未嘗有纖悉擾及於
民宐民懷之若不知其爲令者以治行高等徵拜山
東道監察御史尋改山西道時余方叨憲長語公曰
御史職綦重矣正色立朝振綱肅紀公所優也願終
勉之公曾具疏言政事莫大於用人當行保舉連坐
之法不應止循資俸爲陞轉又疏請添補榆林驛馬
以蘇貧民賠僱之困又巡西城時嚴懲奸宍輦下肅
然壬寅巡視兩淮鹽課時鹽政久壞居是職者率藉

此爲身家計公拜

命之日卽杜門謝客曰吾聞南宮賈道乾先生巡視淮
巖冰雪自矢桑梓在望吾仰止景行之矣至則肅躬
約已痛革一切陋規積弊列八款行之逾年奏績掌
江南道事繼以風聞事論罷鍵戶家居訓課子弟之
外外事概不問也公家故饒於財而樂善好施本其
素性每遇凶荒輒爲賑給終公之世前後通計散粟
三千餘石施義塚田四十餘畝所全活幾數萬人噫
公之盛德殆不可縷縷悉矣癸丑春正月以疾卒於

兼濟堂文集

卷之十八

七

里憶余與公始相識於壬午棘闈中公擊賞余卷余
果以是科售迨公歷宰外邑實心善政爲冬之日爲
嬰之乳卽至趙擢惠文終是存心篤厚不以搏擊見
長而所在盡職若兩淮之爲羶地人皆知之公獨無
所染指究之正課旣克而官吏商民罔不悅服卒無
一人媒孽而議其後者及歸里門救災卹隣惟日不
給非其宅心之仁而能若是耶輓近士大夫多封已
自殖甚則侵奪小民浚其膏血以厚其毒報於子孫
而不自知其非也得安靜無事不擾者鄉黨則譽之

矣其不落半粟不拔一毛乃以爲分所宜然若鄭公之助婚喪救危難捐米捐穀至二三千石而又不博名利如今人之有所爲而爲之者可不謂賢乎公淳謹小心廉隅自飭與人交不爲世俗指誓虛習而飲醇自醉久而知其可信託也昔人云活千人者必封公之後其必昌無疑公生於萬曆三十三年三月二十七日亥時卒於康熙十二年正月廿七日午時子女嫁娶詳具本家誌銘中

銘曰于公高門王氏三槐惟其德厚遺祐將來鄭公兼濟堂文集

卷之十八

八

垂髻蜚聲鬢序惠洽閩秦乃暢厥志板擢柱下栽栽其冠飛霜正色震肅朝端整飭淮鹽清風兩袖白璧無瑕莫議其後捐貲出粟竭力活人餓殍復起枯骨生春人之爲義擇利而蹈公之爲善乃不求報佳城歸時在汝之陽宜子宜孫百福允臧誰其銘之畢萬之裔玉潔珠光永鎮茲寯

乘機故明陝西道監察御史巡視漕運涵三白公墓

百餘載誌銘

公

至

公

一

書

長

報

合

誌

德

謝

良

曰

曰

曰

今夫仕宦而能盡職退閒而能守志此士君子立身之大概而流俗多難言之何也蓋隱顯之際大道存焉惟見道既真故行道始力耳涵三曰公邢州南和人也諱抱一字涵三別號鴻冥常受業於周涵白先生讀書刻苦雅不慕聲華精周易工書畫爲諸生卽以風節自勵數困場屋以恩選入國雍授河南林縣令林素號難治公以安靜鎮之民若不知有令者戊乘濟堂文集

卷之十八

九

寅辛巳間流寇數萬入境公練兵堅守城獲以全又親擒白蓮妖教之倡李九順等誅之鄴川數百里之患以平政成行取考選途次邯鄲謁盧生祠感黃梁夢事拜伏不起放聲慟哭隨從及傍觀者皆瞪目莫解其故蓋公於此時已悟浮生之爲幻而富貴榮華直土苴視之矣用是決意歸里杜門謝客會直指紫嵐衛公促之赴朝拜陝西道御史巡視漕運有明數百年漕政積弊公至爲之一清是時各鎮剽掠兵民乘機思亂公撫輯十餘萬之漕卒輓數百萬之軍楮

拮据江干寢食俱廢逾年漕事克竣遂棄官攜圖書
數卷避地浙東復僑寓姑蘓三年太安人思歸始自
河南旋里丁太安人憂喪塋盡禮檢書課子闡發濂
洛之學深明性命之旨一時賢人君子咸相過從而
猶契心於余嘗爲余言化却理解正以窮理全見性
量始爲盡性渾而合之自然至命洗心退藏又入聖
之密法其義精矣世或以公好談神仙爲近於恍惚
不知飛昇之事雖世所罕見然節食寡慾培養太和
以益壽命此乃真實之理見於周易隨頤諸卦黃帝
兼濟堂文集

卷之十八

十

素問等篇何可誣也公林下三十年惟以救死恤傷
爲念其他外事概不一問所著有守淮日記禹元集
山路同歸諸書無病而卒享年八十有五康熙十七
年正月十八日也公世系官爵及元配封王孺人子
女嫁娶具別狀茲則約舉所聞於公者誌而銘之

銘曰富貴利達世爭奔走從吾所好公獨有守林慮
彈丸循良居首選授烏臺有孚盈缶漕運肅清剪除
稂莠片帆江上嚴陵釣叟解綬歸來耕雲爲耦道高
萬物壽躋黃耆先民典型緬懷良友

誥授朝議大夫山東布政司叅議漑林李公墓

誌銘

余爲孝廉時卽知東鹿漑林李公爲篤行君子然雅慕焉而未之見歲乙未余侷位諫垣公以縣令報最爲部曹始遇公於京邸一見卽知其學問經濟非卑卑自詡者因與公訂爲婚媾嗣以公歷任外憲形跡日踈然書牘往復未嘗間也丙辰夏忽以訃聞涕泣數四適令子毓梧以觀察馮公狀來請銘余交公旣久而知公復深又曷可以弁鄙辭公諱世洽字漑林

秉濟堂文集

卷之十八

十一

又字君渥號百嶼先世遷自山右之洪洞縣六傳而至循齋公諱性以孝廉爲工部員外郎歷三世皆以簪纓著至趨宸公諱鳴珂歷任冀南大叅卽公父也生子六人公居長幼有異才髫髻時卽能以色事親趨宸公深器之年十四補博士弟子丙戌舉於鄉明年成進士又明年授江南太湖令時江右金逆煽亂賊兵直逼太湖公練里兵固守出奇設間殲其僞帥其有餘孽負隅者公就鄉中擇耆碩持檄諭以大義盡皆納款而大江左右伏莽悉平於是安集流亡凡

薦紳士庶向之遠避山谷者公悉招之歸其故居創
澤宮建廟社勤課試分校南闈所得皆知名士而湖
邑頓爲之改觀先是寇亂未平議有欲徵客兵者公
上里兵六便之議行之悉有成效治湖數年雨暘以
時天厲不興以兩臺薦行取駕部郎司密奏公所屬
草悉合機宜大司馬玉立梁公每引重之凡有大事
必加咨訪丁酉典山左試齊魯人文翕然丕變舊例
司密奏者得優陞京卿乃公旋竣東闈卽有僉憲淮
徐之命衆爲稱屈公曰重內而輕外雖人情之常然
兼濟堂文集

卷之十八

三

劉忠宣辭京卿而就親民之職非古人之可師者乎
因叱馭就道徐地三面距河而呂梁稱天下險泛溢
衝決歲役丁男數萬計洪夫三百六十人河徙而籍
弗去公相視河流酌量夫役率省舊額之半徐自兵
燹後戶口逃亡荒地幾至萬頃官民坐困公亟謀諸
當事疏請蠲之百年之累一朝盡去未幾晉少叅督
漕山左漕胥素狡稍逞奸聞公名莫不震懾公至積
窳盡剔終三運弁胥悉斂手屏跡報績列上考

天子下詔褒嘉錫以文綺蓋異數也歲己酉以疾告當

事固止之公曰倦鳥思還人生貴適意耳何必苦恣
鷄肋僕僕風塵中悵望班生登仙耶歸卽營別墅築
樓曰靜觀建亭曰遠香余曾遺以二詩蓋深契其命
名有意也因悉以趨宸公遺產歸諸弟而復爲其叔
父市田百畝以資常膳又念世人多疎於一本而視
其手足如塗人之不相洽也遂約爲綿怡會月一同
堂而食會之日講孝經小學著定例以遺于孫令世
守之又念事之利於宗族與鄉人者莫過范希文之
義田朱晦菴之社倉乃與諸弟謀置腴田二百餘畝
兼濟堂文集

卷之十八

三

歲取其租以供祭祀費而儲其餘以贍族人之急公
之行誼大略如此今世之擁高爵食厚祿者莫不刻
剝小民呵叱僚屬急急爲囊橐計及至退休林下輒
以富貴聲名誇耀其親族閭里而至於手足之間錙
銖必較甚至骨肉相殘貽祖宗羞而公獨仁以居官
讓以遇弟厚以睦族抑何其得於天者若是其篤厚
而真摯耶公益性情學問兩兼之矣厥後疾革之日
猶進諸子弟而詔之曰余仕宦二十年官至少叅生
平祇小心二字在官不敢得罪百姓居鄉不敢得罪

鄉人凡以奉祖宗世訓也汝曹當承以爲念言訖而
逝公既歿遐邇哀之莫不以享不勝德爲恨噫功名
既著行業克修雖歸泉壤世有光焉又奚憾哉公生
於天啓壬戌年卒於康熙丙辰年享年五十有五由
太湖知縣歷遷山東督糧道參議

誥授朝議大夫善詩古文詞然不多作所著有司空
紀事集傳世

銘曰大陸偉人爲世名賢物恆是謹孝友克全司空
之政仁惠廣宣奎婁之下民庶駢闐二東儲精軍民

兼濟堂文集

卷之十八

古

無環功績著矣聲實赫焉未老而薨白石清泉優哉
游哉弟昆後先賢聖皆逝誰能不然與化俱運惟德
綿綿滹水秋風埋玉荒阡瓜瓞永振纓帶蟬聯

前孝廉公儀張公墓誌銘

公諱來鳳字公儀明永樂中其先世自山西樂平始遷寧晉數傳至還真公卽公父也生三子公居長年十六補博士弟子員試輒高等曾問業於大叅耿公杲如又從同邑孫恭憲公講授性分之學中丙子順天經元丁丑上春官不第恭憲公慰之曰得失命也公益自奮戊寅冬邑被圍急還真公歿母楊太君暨公室人劉氏兩弟婦霍氏章氏及中表李嘉猷婦王氏五人俱投井死公泣血長號飲食俱廢及塋四方

兼濟堂文集

卷之十八

五

衆觀咸歎其節孝萃於一門直指衛公紫嵐聞而旌之繼伏闕自陳一門五烈勅建坊旌表未及李自成陷京師公率子弟門人縞素哭於郊作輓詩五章乙丑以恭憲公疾篤留都下侍湯藥及歿盡收其生平所著書視含殮而去公性好遊足跡幾半天下禹穴孔林皆經身歷尤愛西山佳勝築白石居數椽往來其間暇則與諸弟子講學說書執經門下者遠近幾數百人擇里中有齒德者十二人爲和睦社集族人以地二頃爲祀田歷敘五烈旌表始末立坊建饗堂

春秋伏臘祭享必虔遇兩弟尤親愛肫摯親族寡困者多育之於家衣食婚娶區處備至歿則收殮至有客死他處者憐其貧亦不憚重趼跋涉務代謀其櫬歸里而塋之雖在疎遠以危急告未嘗漠置其於大叅公及恭憲公之歿也皆有心喪之服三年每一語及輒嗚咽流涕晚年概不涉外事然遇大事如葺垣濬濠有關通邑者則又爭先奉法及報竣而捐助常數倍於人噫公之嘉言善行殆有不可勝紀者矣以壬子年閏七月二十五日卒享年六十有九明年公

兼濟堂文集

卷之十八

七

之子楞持范鹿野先生所爲狀來請銘余猶憶在都與恭憲公相過從素稱道公旣而有

詔舉山林隱逸余因語人曰如寧昌孝廉張公某者真孝廉也以膺斯舉可稱無忝後事雖不果行而桑梓親友其亦共聞余言矣蓋公一生孜孜矻矻以倫常爲菽帛視詩書爲性命一言一動悉以聖賢刻勵其身終身不失足於人不失色於人不失口於人其於義利理欲之辨誠有卓然不惑者焉至教授生徒實懇懇然有獨爲君子之恥非但工詞章取華臚也以

視世之依阿澳恣脂韋滑稽以希富貴者居何等哉
世俗艷稱富貴輕藐道德見潔行爲善之士則相與
揶揄之幾欲束之高閣要之天理在人良知難泯德
固不孤而蘭爲國香雖生幽谷不以無人而不芳今
公不過以孝廉名著燕趙間未嘗重茵而坐列鼎而
食高車駟馬出入里巷誇一日之榮使鄉里小兒駢
肩累跡瞻望咨嗟不可謂非士之至困極窮然究其
能處白屋甘粗糲披卷呶語至死而不倦不怨者良
以有所得於中也所著有易經補註蒼巖集策論法
兼濟堂文集

卷之十八

七

存四書定字等書子女嫁娶詳本家行實中

銘曰六經刪述念斯人孔壁蝌蚪孰與親趨騰冀北
自絕塵一室常懷萬物春赤城禹穴走逡巡絳帳立
雪咸俊民筆秃唇焦酉暨寅海若汪洋許問津著述
不輟擬等身古文奇字校周秦栢棧几筵涕泣頻聞
黨化之風俗淳土厚水深焉鬣新公之子孫宜振振

公諱玠字方玉一號無爲子又稱東籬先生栢鄉人也初就塾卽能以禮自守年二十一食餼上庠未幾二親及室人相繼謝世貧弗能塋先生哀痛慘切益奮志讀書五試秋闈弗售丁卯業薦正卷竟置副車雖以貢入國雍然鬱鬱非先生志也戊寅變家徒壁立喟然曰三親未塋一旦先填溝壑則終天抱恨容可悔乎因竭力經營具禮塋三親於先塋側焉

國朝定鼎廣平太守韓公故交也檄署永年縣丞甫兼濟堂文集

卷之十八

七

三月卽謝去曰昔淵明不爲五斗折腰此意良可念也從此自稱東籬先生矣然遇里中親故有出仕各郡縣者輒邀輒往先生亦終莫之辭曰吾將藉此以結山水緣耳戊戌後余延先生爲子師先生兀坐一室就余架上書遍覽之學益博旣又手闢一園植名花蔬果讀書課于其中日以功過自督暇則與世俗談天人感應事一特咸以有道君子尊之癸丑春數病氣息奄弱因謂其子曰我死卽置園中古人不死於婦人女子之手况我無此累又何疑乎嗚呼余嘗

讀高士傳如榮啓期黔婁諸人每嘆其居懷高曠了
然於生死之際先生洵其流亞歟常見富豪之家蓄
金錢殖菽麥惟日不足一旦屬纊危篤手足莫措顧
婦人女子戀戀難捨生平心力所營總歸烏有或有
不肖子弟耽耽於分財析產無淚可下以視先生之
生死蕭然者爲何如也先生性孝友尚廉恥繩尺步
趨安義守命尤好學善詩文有我佚堂文集詩集余
嘗爲敘之生於明萬曆二十五年丁酉十月之廿一
日卒於

兼濟堂文集

卷之十八

九

大清康熙十二年癸丑四月之廿一日元配馮氏繼
配王氏生子一人慧女二人一嫁庠生李仲美次子
一嫁庠生魏陞次子慧娶韓氏繼娶王氏孫男三人
應庚應酉韓氏出應壬王氏出于慧將以甲寅年二
月丁卯朔八日壬寅塋先生城南趙庄祖塋之次所
銘於余余與先生交三十餘年慧又從余學爲文誼
不可以辭遂述其梗槩以序之而系之以銘

銘曰學則成試不利中副車實上駟希古人不求仕
讀我書悲且恚種我蔬樂且娟食糠覈衣荷芟家雖

貧道不墜園之屋蛻可寄城之南神可寐栢森森皆
手治妻先死誰爲謚馬鬣封綿孝思

兼濟堂文集

卷之十八

三



手治妻先死誰爲謚馬鬣封綿孝思
貧道不墜園之屋蛻可寄城之南神可寐栢森森皆

誥封文林郎中書舍人句山張府君墓誌銘

府君諱金龍字礪汝號句山系本江南句容大族由
六世祖孝廉公諱奎者宦楚北後遂家於沔焉張氏
世有隱德能以財周其鄉里鄉里頌之延及承主公
篤志潛修以積學著然踵屢代好施之後而承主公
復不肯瑣瑣事生產家業亦漸落此卽今府君之父
也生府君兄弟五人而府君居次天性尤最孝方承
圭公感異疾百藥弗效幾弗起府君私禱於天而糜
股以進疾立瘳人咸以爲真孝所感後三載承圭公
兼濟堂文集

卷之十八

三

卒府君終三年喪哀毀如一日弟三人俱幼府君教
養成立以身任之始終不以及伯兄也弟學龍少以
文名馳鬻序未大售而早世府君尤痛之府君幼敏
慧善屬文弱冠補博士弟子輒餼於庠七試棘闈屢
中副車庚子領歲薦壬寅

今天子改元以恩貢入國雍每試冠多士考授一職公
終不願以明經終已酉復就試楚闈仍不利噫今天
下之甫操觚而卽脫穎者何比比也府君積學半生
攻苦已極而曾不得食報於一第之榮其果真有命

存焉乎抑或天之所以酬府君者別自有在耶然府君之志愈堅其嗜學彌篤晚年沉酣詩學所作古文詞悉本盲經腐史之底蘊以爲生平所好在是弗忍舍也課二子之溢之滙尤惓惓無間一時咸列上庠而長君之溢先以鄉會各魁各震宇內投中翰簪筆西清遇覃封封府君如其官及元配劉孺人顯揚曲盡蓋至是而知向之所以屈府君於不遇者正不必於其及身而遇也公性嚴正不嗜侈靡疾惡無所瞻顧遇有急難不惜拯救每卜築鄉居怡情物外郡士人多宗之乙卯秋卒於里門先是之溢常爲余言曰昔年先子以廷試過上谷讀夫子忠烈碑銘景仰金石時以予得親炙爲願余心竊識之今值以狀來請銘余於之溢復叨一日之長弗獲以弁鄙辭乃次序其狀而銘之

銘曰滄浪之水白石岑岑彼其之子錫類情深授經名世攄藻獻琛抱璞未遇氣峻干尋汚水不竭達於漢陰後昆永蔭玉樹森森

誥授奉政大夫提督浙江學政按察司僉事子
高崔府君墓誌銘

府君諱爾仰字子高世居河東聞喜縣丘村父選奇
公名著於鄉以子貴贈奉直大夫生三子長爾瞻任
武崗州牧府君居次生而穎慧事親以孝聞贈公歿
躄踊哀毀幾至滅性讀書以窮理盡性爲本常說書
於丘山書院同時理學名儒咸推重焉丁亥受知於
督學孫公戊子余典試山西奇其卷拔之戊戌登二
甲進士舊例二甲應留部曹值

兼濟堂文集

卷之十八

三

世祖章皇帝篤念民莫以人才當先之民事遂授晉州牧
晉爲古鼓城地地瘠民刁素號難治府君抵任之後
勸農興學息訟緩徵俗漸以革每課諸生常自爲文
以訓之諸生誦府君之文而得第者後先相繼前此
科目缺然者且數十年矣報最擢吏部文選司員外
郎蓋異數也居選司之日兢兢守法待諸令史嚴肅
公務之外不交一語同官有思執法者輒婉言以爭
之其事得正而人卒不怨乙巳遷戶部正郎明年以
丁內艱歸里居喪哀痛一如贈公捐館日也服闋補

原官分司粵東時兩粵督臣周燾初有展界設防之請事下戶部衆咸莫執其咎府君獨曰展界俾民復故土大惠也設防俾寇不爲害大計也應如所請粵民由是復業者數萬家諸生萬勳臣等以逋糧除籍者五百餘人繼以續完請復衆共難之賴府君委曲剖析悉予開復已酉典蜀試約同考從容披閱虛心商酌榜發多名下士而府君之次子靖亦以是歲領山西鄉薦人咸以爲秉公之報云庚戌視學浙中將出都屢過余請益余告之曰子學有根柢浙又名

秉濟堂文集

卷之十八

三

區德行文章兼舉而扶掖之庶不負作人至意也因取二程全書并薛文清讀書錄授之而去至則振飭士習甄拔單寒每按一郡試卷不下萬餘高下棄取悉經手定晝夜不息者踰年病大作形神困憊食漸減顧問從者曰我髮乾血盡所不死者惟有此點心耳然心雖不死血盡必死要之此心終難死也不數月果卒府君生平篤嗜正學常訓諸子曰秉禮義以治心寶精神以治氣淡飲食以養性行此三者聖賢可至身家可保此卽聖人所謂以約失之者鮮也居

家端嚴和順閭里親族有求輒應人多以是感之而
府君卒未嘗有德色先是爲孝廉時適見道旁有墜
井者旅行皆走避府君去聲曰若必不救吾且白之
官卒救出之守晉自有巫自稱爲神以惑閭左府君
杖而詰之巫叩頭伏罪闔境懾服迨視學兩浙正思
纂述先儒之學造就人才以繼軌文清而以積勞成
疾遂致不起及歿橐無餘資浙之士人塗哭巷祭合
詞申請陪祀學宮所謂三吳博士齊灑峴首之碑兩
越諸生同抱西河之痛者蓋實錄也噫余之知府君

兼濟堂文集

卷之十八

三五

也將三十餘載矣聞其卒也且追思感悼之不已茲
誠何忍敘之顧其令子千里來請又安能沒其善而
默無一言也哉府君生於天啟五年十一月二十七
子時卒於康熙十年六月初一亥時享年四十有七
配李氏封宜人子女嫁娶詳具本家行狀中
銘曰豐於德矣胡儉於年薄於殖矣而厚於賢大雅
淑躬視履靡愆仁思攻玉智如流泉蘊蓄未竟膏澤
已宣彈琴歌風其書未傳晉越咸祀兩地凡筵佳城
涑水百世弗遷博陵清河瓜瓞綿綿

誥授奉政大夫戶部山西司郎中雪麓王公墓

誌銘

雪麓王公以請假卒於里中閱七月其弟世晉持所爲狀請銘於余先是丙午之冬余請告歸午河之上與雪麓飲甚歡且約其早赴都從王事而今竟溘逝耶余與雪麓交三十餘年矣誼不可辭乃卽其狀之大略並以生平所記憶爲之誌曰公諱元晉字康侯號雪麓幼從其先人玉扶公讀書於浙蒙塾授書日記千言稍長屬文流麗雋永嘗以文謁高邑李相秉濟堂文集

卷之十八

三六

國建霞及先子贈官傅公皆極爲賞識丙子下帷柏鄉與余昆弟舉文字會每日暮脫稿燈下諷繹再四向余軒渠曰文如此鬼神幾無權矣闈中主司寧不刮目耶余咲應之曰子言不我欺也戊子登鄉薦乙未成進士節推鳳翔決獄明斷多所平反闈郡悅服丁酉同考秦中雖得士僅數人而文風爲之一振八閱月遷農部主政司鳳陽庚壬寅由員外權潯墅關甲辰由郎中權崇文門稅所歷皆羶膏地而公屏絕苞苴痛除積弊城狐社鼠竄伏幾盡大司農偉其器

識俾司糧餉會計允當有司開復者無留難色清勤廉恕自公而前蓋罕見也遇

史稿公事實錄卷一

覃恩贈玉扶公如公官公以遷塋歸里里中利害知無不言戚里婚喪不給捐篋付之三黨中貧困者待以舉火公性孝友篤於天倫晚年傍舍栽蒔花竹置別墅將爲菟裘逸老計乃忽焉臥病遽不復起卒之日聞而悲悼者不分遠近也余按王氏世爲寧晉望族自元時已有顯者明正統時彥昭公輸粟助邊朝勅旌表文潤公仕至兗州二千石鞏甌公仕至農部

萊濟堂文集

卷之十八

七

郎督餉西陲公之父玉扶公以武科守備定海勦倭有功後有事勤王用船渡難民數萬人陰德綿流卜世昌熾理固然也憶公與余同筆硯時曾以弱翁鄭公曰余亦望公爲子明爲守溪各世奮蹕不意天奪之速也豈非命哉公所著藏之家尚未梓行生於萬曆四十一年正月初一日酉時卒於康熙六年三月十六日未時享年五十有五娶處士耿調元女封宜人子宸聘山西道監察御史鄭公君實孫女銘曰其文藻郁澤於雅也其詩澹宕進於道也其人

講易底於純也其治明允近於惠也其品端飭安於
潔也是宜登三事而又九野何修玉樓而速緋衣之
召耶衰草寒原松楸瀟酒維德不磨幽宮之下

兼濟堂文集

卷之十八

三六



昔耶衰草寒原松楸瀟酒維德不磨幽宮之下

樂世其宜登三事而又九野何修玉樓而速緋衣之

講易底於純也其治明允近於惠也其品端飭安於

誥授奉政大夫浙江嚴州府同知頤中楊公暨

元配劉孺人合墓誌銘

公諱繼芳字仲延號敬容吉號頤中其先太原人自明永樂間始祖友貴公遷居南和代有聞人數傳而至贈奉政公偕起家秦中金縣令多惠政生四子公其第三也少穎異未毀齒卽坦率如成人贈公歿從兄授書後負笈於潮州司李程公之門恥爲章句之學弱冠補博士弟子員食餼郡庠戊子舉明經甲午授山左新泰縣令泰地素磽瘠兵燹之後里民以荒糧賠累所在流亾公力請豁無主荒田千八百頃有奇山左多逃人官斯地者多藉以邀敘錄公曰被小民之身家性命以圖一己之功名余弗忍爲也故終公之任而秦民無株連之苦其大者脩邑誌核民田減冗派凡有興革無不稱便丁酉臺使考察奏績第一已亥遷江南和州守時值海氛初靖籍捕從賊之令甚嚴里中有挾仇相誥者乘機捏富戶二十餘家上之州公洞燭其寃置不問旣又核查連歲逋賦請豁幾萬金歲饑捐米以賑學舍城垣以次修舉雖寸

椽片石咸傾橐以購之未嘗問諸民間滿秩遷浙江
嚴郡司馬嚴處萬山之中常患盜民又易爲訟公雖
分刺一方相助爲理而士民之畏威懷德者固無異
在泰在和之日也繼以奉文採木遍歷諸邑窮高陟
險業染疾猶扶病竣役因洗石留記云滿山風吹不
斷勞人愁緒一溪水流不冷苦吏熱腸抵署而卒蓋
溯公宦遊之始以逮謝世之日前後將二十年而所
在以清白自矢及身歿而囊橐蕭然琴書之外無長
物也太守梁公憫之率僚屬賻卹其喪始得歸里所

兼濟堂文集

卷之十八

三

著有頤中堂前後二集課子初譚型俗淺言諸書行
世公生於天啓四年三月十一日申時卒於康熙九
年八月十三日辰時子女婚娶悉詳行狀中先是公
元配劉孺人者桐里舊族女也性貞靜識大體年十
八歸於公凡烹飪紡績之事率以躬親時脫簪珥以
佐膏火資公甚重之未幾以勞瘵卒至是令子濟等
將營公墓事以劉孺人祔禮也來請銘於余余與公
交最久常歎古文一道日趨卑弱時無有奮力挽之
者公才旣高且學有根據以聖賢爲依歸而曲學浮

詞一不以涉其胸次余每以任重道遠器之及讀其
採木記急公之勤恤民之隱齊物之懷一篇之中三
致意焉項韋庵曾識之云跋涉險阻發抒性靈龍門
桔柏杜公之感慨何深灤水春陵元子之流連在目
斯可謂知音者矣昔司馬子長曰富貴而名磨滅不
可勝紀唯倜儻非常之人稱焉其公之謂乎位不稱
德自古如斯是則可哀也已

銘曰維仲延氏多識竒字少遭饑窮螢窟彊記立雪
程門諸賢昆季學海翻瀾馬羣空冀筮仕汝陽撫循

兼濟堂文集

卷之十八

三

江次兩地甘棠文學政事洎丞富春文藻益遠採木
勤劬峯嵐獻媚盡出幽姿爲迎爲侍椰子永州其文
則類位僅司馬才堪卿貳深藏若虛乃招鬼忌玉樓
穹巍待其撰識我聞斯音滂沱其淚澧水之陽佳城
克治魄棲於斯松楸奕世

勅贈文林郎李太公墓誌銘

吾讀王弇州集而知魏之多長者也得穆太公其人焉子文熙以友人罷官而太公安之繼以吏部外遷臬副復以友故而太公安之故弇州稱之曰所謂內足於心外挫其名者耶吾讀趙忠毅公集而知魏之多偉人也得魏太公其人焉身爲別駕生三子皆忠臣孝子以子中丞最績受封如其官壽至九十有六當時傳爲盛事乃今又見之於李太公矣公以少歲蜚聲庠序數奇屢困場屋常口授生徒遠近多負笈

兼濟堂文集

卷之十八

三

從之將設教豫州道出封丘逢數十人皆反接而前公詢得之盡長垣難民因饑饉乞食於封而尉誣以爲盜也爲亟請於尉而尉故難之公慷慨扼腕曰我長垣一諸生也肯舍己爲真盜訟寃乎誠知伊等素非爲僻者耳更爲白之令令業察其誣而心默重公更欲試公以文公應聲立就詞理明暢令大歎服并釋諸人由是垣與封二邑之人皆賢之而公之名益著公孝友出於性成事其親終身有孺子之色家業盡讓諸弟環堵蕭然澹如也居鄉恂恂退讓卽以橫

逆相加亦置不較而遇里黨中稍有雀角必力爲解
釋使歸於好尤嚴於課子師訓之外必親爲提命或
至日不火食則授往哲以爲解用是臥衡年十七卽
補博士弟子員未幾而登鄉薦又未幾而成進士公
復進而勉之曰自我先人之苦志於學也三世於茲
矣爾今得博一第祖德之貽也不日當出膺民社寄
其思學道愛人以無愧爾君父乎康熙十三年臥衡
筮仕獲嘉久之以織錦奉公公却之曰昔鄭埜爲方
面時以紅褐寄其父父責之不受幸爾勉爲清白吏

足矣我家世儒素無事此也旣而臥衡迎養署中曲
盡子道公亦大喜十八年四月旋長垣是時公年七
十矣猶強健如昔乃以九月忽染疾遂卒臥衡以其
所自爲狀來請銘曰先子之隱行世固多稱之者然
得大君子之文以闡諸幽則世振死且不朽按狀太
公先世爲晉之洪洞人明初始遷於垣後因兵燹家
乘淪失其詳不可得述自其高祖諱述者遞傳至性
菴公卽公伋也世有令德迨公而忘身救人退讓接
物芳規善行尤表表在人耳目方之前人所稱何多

讓焉吾以是卜李氏之子孫克昌克熾而臥衡之功
名遠大而不可量也蓋太公有以培之遺之矣臥衡
世振字余庚戌禮闈所錄士也

銘曰大河之北蒲之舊墟世有偉人爲德之興維李
太公克葆其初繩樞甕牖篤志詩書赭衣誣執倡言
以舒澤周桑梓乃彰令譽式穀克肖揆勵懸魚迎請
訓誨不忘鹿車乘化歸盡偃臥遽遽無愧無作安此
廣居佑啓後昆大其門閭

兼濟堂文集

卷之十八

三十四

風雨

晴雨不

以

太

淮曰大

谷

新

新

日夫諱贈奉政大夫泰階孫公暨姚太宜人合葬墓
誌銘

康熙己酉歲吏部孫宗夔將以是歲之冬爲其贈公
府君暨封宜人太君營合塋猥以墓誌銘見屬余惟
贈公懿行備載於周文節之傳而太君之淑德有年
家子陸燦爲之狀甚悉卽余向有加焉然又不敢以
不文辭爰損益其傳狀爲之誌按周文節之傳贈公
也曰先生諱之祥號泰階生於高郵之太平里其先
仕宋稱龍圖莘老金元之亂子孫遂家江南明興嗣

兼濟堂文集

卷之十八

三五

君惟善自吳門復渡江耕於沛城東村從先志也惟
善生以慶以慶生時本時本生文景文景生堂時號
曰西城公公好德樂施謂城以西咸被存活也堂生
榮榮生先生父滋號午泉翁尚志有高世風以家政
畀伯子夢旃晚年遊情山水得形家書悉其指萬曆
壬午年爲父守齋公擇兆於湖西塔兒集土方如碁
四圍各有埠肖木火金水之形喜曰吾聞紫陽之先
塚五星聚焉吾家其有賢人乎逾年癸未七月十七
日先生遂以名焉字省卿曰無忘而世德先生幼而

敏四歲母詹太君俯牀授衣先生跪而受曰禮在是
歟六歲就外傳日下數行州大夫許君聞其賢延先
生叔父洪爲館師訓其子及先生時先生年十一請
曰乞十日一歸覲父母許徼以爲數輒長揖出遽從
之乃止許由是益奇先生年十三督學侍御陳君較
士見之曰孺子能文乎口出題輒應聲就補博士弟
子員詹太君痛目且瞽先生親調湯藥無時暇午泉
翁尋亦病相繼歿及喪哀毀成疾幾不起再逾年而
塋廬於墓泣無時家人強之乃歸年二十一疾漸愈
兼濟堂文集

卷之十八

三十六

伯鳳村命迎娶於昭陽受室姚氏以歸先生事伯兄
甚恭嫂逝與其幼子同處八年夜必再起察寒燠年
二十五餼於庠學使者熊君廷弼奇其文拔冠軍已
酉入闈幾售復失益勵學壬子試不遇戊午又不遇
辛酉卷濡墨不錄然不以得失介意州大夫雖素驕
見先生必加敬先生小試輒前茅宦於揚者延攬必
及之從不輕投一刺以此益見重天啓間楊左周魏
諸正人被璫旣先生作禾已黃歌且嘆曰士藏器待
時非其時辱身嬰戮奚益耶甲子丁卯俱不就試潛

究濂洛關閩之學入其堂奧作格物論明善論天論
中論良知論子臣心鏡諸書嘗命吏部公曰儒者之
學期以明理科舉之選期以適用世人僕僕行隊祇
是溫飽二字橫於胸中世教人心至此重可憂也甲
戌貢於廷試名第十值流寇入中都先生傷焉遂不
就部選丙子三月吏部公以拔貢入都請先生帥之
行且謁選先生厲聲曰行藏各有道汝當自爲也至
四月廿四日未有疾病溘然逝時先生享年僅五十
有四里中士人莫不悲悼私謚曰孝懿先生崇祀奎
樓先是吏部方對策忽心動及遄歸而先生已捐館
舍哭泣擗踊舉哀之日四方弔者道不絕辛卯遇

覃恩贈徵仕郎中書舍人丁酉復贈奉政大夫文選清

吏司員外郎壬寅鄉子衿以理學請祀學宮當事從

之以乙巳二月奉主入祠民與祭者闐街塞巷誠近

代曠舉也姚太宐人先世居關中大父太華公始徙

居興化還關中鄉試起家名魁上春官不第就選得

河南襄城令子寅賓公實生太宐人宐人生甫一歲

而寅賓公歿六歲就襄城公習書史年十一從母趙

孺人歸興化明年襄城公政成謝歸里難所適聞高
郵孫氏子賢儼居訪實乃許字焉卽贈公恭階先生
也又明年趙孺人卒後六年襄城公亦卒太宜人哀
毀如一旣闋服歸贈公於郵太宜人之于歸也贈公
已前喪厥考妣依諸兄以居宜人歸盡出妝資聽伯
氏鳳村公主辦每用自傷女不逮事父婦不逮事舅
姑侍贈公承祀饗奠優肅若有見贈公頃意不憚太
宜人請曰夫子世有積德湖西卜豈無應乎湖西者
卽午泉翁卜塋守高公吉兆所謂塔兒集者也故太

宜人舉以慰贈公比吏部公生八歲遣就塾身操井
臼佐贈公父子夜讀吏部年十二遊於庠十六而儻
癸酉乙亥贈公父子先後貢於鄉繼贈公歿母子相
持慟哭絕而復甦後三載贈公始塋甲申三月之變
太宜人呼吏部兄弟慟哭曰先世享太平一旦至此
能不痛於心乎明年夏揚州城破避田廬又明年秋
吏部魁鄉試丁亥成進士太宜人曰湖西之卜驗矣
惜乃父泉下不及見是時邑中徭役繁興郵人大困
太宜人進吏部而訓之均差之議自此始太宜人乃

喜辛卯冬晉封孺人明年吏部自中書晉吏部主政
每以書誡曰人謂汝爲好官爲汝喜吾謂要地難副
爲汝憂不失職難不失身難不失名譽難慎之慎之
踰年甲午吏部典試河南歸省次子宗傳歿太宜人
哭之慟吏部率弟宗臣姊若妹勉慰慟少止明年太
宜人七十吏部假歸奉輦下諸名公詩文爲太宜人
壽太宜人則又喜踰年吏部奉太宜人就養幼子宗
臣舉北闈太宜人亦不色喜已而孝廉公下第吏部
亦引年例外陞太宜人乃轉喜曰老人乃今得挈兩
子一孫歸哉知止不辱知足不殆尚何求也隨晉封
太宜人吏部亦乞病歸侍太宜人家居於今殆十年
太宜人之家居也戒殺放生救貧賑獄脫簪珥不已
丐貸繼之始終諄切以均差一事教吏部施德於民
均差旣行郵人便者十萬八千家乙巳太宜人八十
郵爭祝太宜人壽丁未春以脾疾勉步至戒香庵舉
放生約歸即索紙筆判家事吏部以上環而泣太宜
人曰何爲致兒女子世豈有百年人我心中忝然至
五月十五日戌時卒太宜人生於萬曆十四年七月

七日終於康熙六年五月十五日享年八十有二歿之日哭聲遍里巷嗟乎贈公懿行可以列儒行高蹈不仕可以列高士至研精理學又可以緒承濂洛稱爲鄒魯功臣俎豆學宮豈倖也哉太宐人教吏部均差一事至今賴之昔賢母言吾不喜祿養獨喜善養太宐人有焉魯敬姜祇守姑訓卜商氏贊之謂古之嫁者不及事舅姑爲不幸太宐人嘗悼不逮矣究亦何歉於逮事者耶子孫婚娶具載陸子狀中

銘曰龍圖之胄高郵始基賢人間出星聚湖湄贈公兼濟堂文集

卷之十八

甲

封母世德令儀佳城馬鬣合防攸宐蘭芽玉茁頌滿郊圻焚黃瀝酒松楸葳蕤於萬斯年不騫不虧

別駕沱濱高公暨魏孺人合塋墓誌銘

公諱光猷字潤仲號沱濱世居寧晉城北之曹古疇祖九三公諱推萬曆丁未進士累官至太常卿推生柱河公諱去奢崇禎丁丑進士累官至大理丞俱崇祀鄉賢入各宦母王孺人生十子公行二幼而岐嶷讀書能見大意每聽講解輒能觸類旁通會悟甚速柱河公愛之十五歲入邑庠學博而多通常往來鄣南登城眺望慨然懷古與余論文有木乳之合王太孺人寢疾公妹尚幼孺人泣囑曰我止此一女爾兄

兼濟堂文集

卷之十八

三

弟善調護之公泣受命其後適高邑趙玉書孀居無子息公數往來視之饋遺無虛日不忘母臨歿之言也居喪擗踊號泣毀瘠骨立人稱其孝隨柱河公令涇陽時流氛孔熾公戎衣登陴寢食城頭以佐守禦城卒克全寧邑荒歉請於柱河公捐粟以賑親友待以舉火者甚衆壬午食餼同孝廉張次白諸友下帷攻苦咸推服其殫思之密而用力之勤也癸未甲申間寇起郊原柱河公携家北避東鹿以家務委之曰善視祖宗家廟墳墓勿驚我先靈也乙酉柱河公以

侍御督學江南公佐之閱文篝燈午夜列前茅者多
知名士壬辰以拔貢入國雍旋考別駕仍歸里侍寢
膳余爲冢宰時曾走書勸其仕進公曰吾祖父累世
清要而甘以一倅老乎且徜徉山水間耳居家教子
居敬爲文法先輩立行守先誠勿效世俗裘馬輕薄
態居敬遂成孝廉教授宣府稱賢廣文公常病痰治
之弗痊一足不利移居柱河公所遺知妄山房每曰
能知妄則無妄矣敢不稟庭訓而朝夕自警優游繩
床者十餘年然終不能起遂卒待贈孺人魏氏卽余
姊也幼穎秀端謹婉孝承顏無違通女誡諸書及笄
于歸姑性嚴峻獨得其歡心於娣姒之間油油如也
咸稱述無間言王太孺人捐舍時家務倥傯一切含
斂之事竭盡哀痛親授居敬句讀不假顏色農桑耕
穫督課得宜惟相夫子以力學未嘗片言相拂也無
疾而歿生卒年月子姓俱載狀中居敬將以康熙十
六年四月之二十七日合葬公與魏孺人於曹古曠
之祖塋禮也余旣叨至親甥居敬以給諫鹿野范公
狀來請乃敘次而銘之

銘曰抑鬱誰語時命不猶利器不試終老一丘折腰
可恥人世焉求杜門却掃莫與爲儔辟纊舉案名門
好逑和丸畫荻克紹箕裘瓶墜玉毀才智則優癭陶
之北蔚其松楸覓魄愜適無間明幽

兼濟堂文集

卷之十八

三



此非燕其於解讀與難難難難難難
可謂人其說未林門從難莫與兼難難難難難
後曰時鬱誰語時命不猶利器不試終老一丘折腰

前中翰抱宏姜公暨元配賀孺人墓誌銘

康熙丙午秋余暫假歸里適丹陽姜子允茂手其王父中翰公及王妣賀孺人行實來告曰將卜吉舉柩合葬於鹿莊之原敢乞一言以彰沒世噫余與公雖生不同時然常熟悉公於趙忠毅公集中嚮往已久茲舉也義不可以辭遂損益其狀而爲之誌公諱大受號抱宏世居於雲陽之滕村里其先世於宋時稱平陵望族至勝國初有十公樂雲陽風土始占籍焉終明三百年大江以南推族姓者必曰雲陽滕村姜

兼濟堂文集

卷之十八

四

氏公之曾祖三溪公登嘉靖辛卯鄉薦守茶陵茂州兩郡尸祝至今以名宦俎豆學宮祖近川公父復吾公皆篤行不仕公生而英偉丰采動人幼時就塾口授經史朗朗成誦既長以經明行修爲學者師未幾復吾公棄養同室有操戈者公跪告其母曰此不可以口舌爭也吾寧遠避之有婦在母不憂甘旨也孺人雅得姑意未寒絮絮將旦調羹代供子職太君安之萬曆中京察及攻稅監爭國本者俱奉旨禁錮士大夫閒居無事留都新安暨荆水構李書院相望相

與講學其中公不憚千里身往受業每發一難豎一
義諸公嘆服以爲不及一時若韓蒲州葉福清趙高
邑鄒若水尤所折節天啓末璫焰方熾縉紳士夫之
號剛直者或死或杖或戍公獨侃侃然百計周旋卽
料虎頭捋虎鬚所不恤也崇禎改元公以能書供奉
武英殿聲氣益廣尋以盛名招忌被誣論罷在朝君
子有欲爲公疏論其事者公力止之請假歸怡情丘
壑課子弄孫意泊如也公受業於趙忠毅公忠毅公
歿公冒禁送喪徒步遠涉事平以忠毅公遺稿木梓
破產授工風行海內肝膽生前表章身後公於師友
可謂兼盡之矣他如拯族荒恤孀妹撫遺甥親朋然
諾棄千金不顧皆公餘事耳賀孺人生於名門賦性
溫淑于歸之後治家嚴明朝夕拮据公以道廣好遠
遊賓朋絡繹夜半猝投而庖廚整暇方圓畢具曾不
聞有叱咤聲居嘗孝養姑嫜潔齊粢盛延名師訓子
弟公私內外絕不以煩公也公以崇禎辛巳正月卒
於里未旬日賀孺人相繼下世蓋自首同所歸云嗚
呼公之歿也於今三十年矣或有以公位不滿其德

嗣君用不盡其才爲公惜者余不謂然昔東漢李固
爲梁冀所陷其門人王成變姓名爲酒家傭脫其幼
子於難若公之執義不舍盛衰燥濕不以易懷至捐
生死以赴之雖王成之節何以加焉以是天下推爲
長者而終身學力亦於此而見其大也猶憶趙忠毅
公之表先外祖光祿卿恒華張公也曰正人余茲於
公也旣爲之誌銘亦據實以表之曰有明正士武英
殿中書抱宏姜公之墓蓋君子與君子爲朋千載一
日百世如生也信夫

銘曰鷹揚之後才卓犖文如班馬詩韓毛書鍾王今
賦楚騷囊書蠟屐喜遊遨求師立雪在古鄙死生不
忘捐血骨高文壽世稱人豪仁人義士揚清標鹿莊
之原映江湖咏楚些兮英魂招

誥授奉政大夫吏部鴻公史府君暨元配崔宜
人合塋墓誌銘

府君諱縉字鴻公先世由江南溧陽遷新樂父誠齋
公以學行著於鄉生子三人府君其幼也弱冠遊庠
食餼與兩昆經及綸俱知名一時有三鳳之目伯兄
早登鄉薦後爲仇家所陷府君挺身代辯直指衛公
紫嵐器之而爲立雪其兄之寃屢困塲屋甲午拔入
國雍己酉己薦復失益發憤讀書凡經世大務兵農
禮樂之書無不潛心究討而於立身行己之道尤勤
兼濟堂文集
卷之十八
四七
勤懇懇務以聖賢矩度爲法嘗曰士之遇不遇命也
若立志向上豈命所得域哉然卒不售辛丑由明經
除博白令博隸粵西道路險阻尤苦瘴癘任斯土者
多不得達卽達而水土不馴寒燠違節一失調護遂
至殞命故乘軒而去扶樽而歸者道相望也府君曰
是亦何傷卽日單車就道至則撫徭禁清賦役開墾
荒瘠脩葺黻宮六年之間習俗爲之大變考滿特遷
吏部文選司主事受事之後寅而人酉而出銓次澄
清整革夙弊胥莫敢欺堂上倚之如左右手卽同官

亦莫不服其才之敏而敬其守之嚴也既而督關北
新正課之外纖毫無染及歸圖書數卷而已辛亥八
月得疾卒於官憶府君自出宰時卽以生死禍福置
之度外故雖遠歷窮荒而處之泰然卒能嘉惠其俗
而令烏言夸面之人皆感恩頌德於不衰洎乎晉銓
曹司權課奉公飭已砥礪廉隅雖古名臣如山濤毛
玠無以過焉居鄉謹厚謙退不欲上人及利弊所在
則又不憚侃侃陳之當事或廢或舉務俾衆心悅服
而止謂予以義方不事嚆嚆而令于汝達等濟濟象

秉濟堂文集

卷之十八

哭

賢早卜其器識遠到能自樹立也嗚呼府君之德宏
而才偉卽投以艱大何所不宐乃未竟其用而賫志
以歿此遠近賢人君子聞之而莫不太息流涕者也
公生於明萬曆辛亥年四月十二日亥時卒於康熙
辛亥年八月十四日寅時享年六十有一歷官吏部
文選司主事加二級遇

覃恩誥授奉政大夫元配封宜人崔氏幼知書通女誡
內則歸府君後身任操作訓諸子不得干禱事務肆
力於學督諸婦勤女紅勿以華飾相耀蓋笄帔而有

千人之風者先府君卒至是與府君合塋於城東之
阡

銘曰羲臺曉日派水洋洋鳥跡未泯八卦低昂篤生
史公賦質清剛腹笥經史金玉其相作令南服約束
披猖拔擢題柱鳳翥鸞翔勞於王事夙夜克襄胡不
且延而闕其光樂山之址體魄斯藏銘以不朽于享
其昌

兼濟堂文集

卷之十八

完

其昌

且要而闕其光樂山之址體魄斯藏銘以不朽于享
其昌

其昌

十八之風者先府君卒至是與府君合塋於城東

孝子李公紹府君暨元配丁孺人墓誌銘

孝子李君者諱支承字公紹河南永城人也祖琛仕巴州同知父聚郡增生母蔡孺人生子二君爲長妻丁孺人有子曰廕塾娶樊太學衛京女有女適王榮孫男一孫女二君卒之日爲崇禎辛巳正月年四十有九而丁孺人之卒也爲順治辛丑八月年七十君旣塋矣今將卜期啓隧而耐孺人於滄濱之阡焉塾遂具狀來請銘嗚呼孝道之大其至也可以通神明故百行以之爲首君幼卽純孝總角時常病癘遇異

人授以丹藥服之遽愈弱冠通春秋毛詩長於文其羣從多貴顯君不以門地自矜獨與弟支捷從兄支振相師友常集勝流課藝於西郭精舍君鉅角肆溢驚其流輩其時同舍生推宋公杞爲能乃杞輒心折君以何以父文學公得疾不能起遂廢業刻侍左右文學公疾少間謂之曰爾勿以我故廢業君曰兒向歷覽經傳所先者孝耳况以顯揚故窮年矻矻異一日之獲今父病矣苟幸無恙雖沒齒布衣猶卿相樂也語訖淚四下嗚呼君可不謂養志者哉文學公病

沉綿君侍之數年如一日及捐館舍哀毀瘠立不飲
酒茹葷不入室如是者三年乃息心仕進一意養母
築別墅蒔花藥與友人歌嘯於其中圍棋命酒雖家
產落拓意泊如也天性友愛族姓有侵奪其址者一
無訥讓悉推與之人皆謂之長者舅子六人貧無依
咸爲收贍賴以成立妻族貴顯如總督丁公魁楚尚
書丁公啓睿皆輝赫一時而君疎豪自尚經年不至
其門歲大稔厲設糜施藥有若饑渴而君亦勞且病
矣病革呼其子罄曰命之不祿何所恨願中道舍我

兼濟堂文集

卷之十八

五十一

母去齋心地下爾果能善事吾母吾無憾矣古有所
謂死者君誠類之聞其言亦可哀也已丁孺人者
贈兵部良翰孫女署丞懋勳之女也生而端慧父所
鍾愛及來歸不修貴倨容事姑尤謹其父署丞病劇
會子若孫皆客於外孺人獨視湯藥者三匝月署丞
憐其意密畀以貲囊孺人封識笥中及署丞卒盡出
以還其子嗟乎此尤人情所難也孺人雖寡居善治
生貲產旣振益爲施與內外待舉火者綦衆性好內
典常病熱夢有神以刀圭納口中曰汝筭且盡以有

善念爲延一紀自是疾遂平又十年而卒嗚呼公紹
旣稱孝子復有孺人爲之媿德不其難與君歿後遭
劉趙之亂郭外墳墓被發殆盡乃獨得封鬣歸然孝
之通於神明良足信矣余大父待御公移令永城多
異政永人至今祠之余雖不及見君言念先德又感
孝子之至行欬噓不能已遂因賈練二生之傳續述
其事以誌之且繫之以銘

銘曰厥考痼病兮厥子慕怨行孝殞躬兮富貴不願
漣水之澌兮茲爲文獻葱蔥者陌兮淙淙者堰魂歸

兼濟堂文集

卷之十八

至一

來兮眷寂幽皖令名不磨兮先生榛蔓
其車以積兮且

善念爲延一紀自是疾遂平又十年而卒嗚呼公紹
旣稱孝子復有孺人爲之媿德不其難與君歿後遭
劉趙之亂郭外墳墓被發殆盡乃獨得封鬣歸然孝
之通於神明良足信矣余大父待御公移令永城多
異政永人至今祠之余雖不及見君言念先德又感
孝子之至行欬噓不能已遂因賈練二生之傳續述
其事以誌之且繫之以銘

誥封淑人高母王太君墓誌銘

太淑人王氏名族之女少嫻閭訓精女工聘於韓城
贈中大夫高公諱愉號泰吾府君今兵部督捕侍郎
弗若之父也未及歸而高公有失怙之慘服除乃娶
是年甫十七敬事姑如母姑性好善喜施委曲順成
無弗如意以織紉之資佐夫攻苦詩書學日以懋姑
遭疾與府君焚香禱天通宵不寐及歿哀毀幾至滅
性分爨時家用未饒元旦及令節拜掃貧不能多肉
則兩截而以竹綆聯之恐滋不掩豆之恥也姑在日

兼濟堂文集

卷之十八

三

勤於紡績遺有紡具線囊而爲鼠啣壞垂泣補綴之
懸於寢室曰使子孫勿忘本也歲大荒中太夫府君
以粟活人再饑賣院以賑值寇變修築敵臺皆力贊
之遂其願辛巳府君以疾終地未卜弗獲襄事越三
年弗若登第太淑人大悅值寇變亂道路阻塞弗若
不得歸里太淑人撫柩傷心曰是不可待也促治梓
乘間以塋嗚呼太淑人可謂達權通變而不拘於常
者也弗若歸而號曰天乎吾尚可以爲子哉太淑人
慰之曰兒奚咎大亂時恐有不測我以義爲之兒孝

思真至追遠之誠何歉嗣後弗若爲評事於京偶寄
簞席衣服布縫之而皮焉至有原祿多不拆者曰汝
大母未得服吾不忍衣也一敝席數十年不易破而
綴以布終不易弗若受
恩賜令蒼頭齎以爲壽封識不動曰俟其歸以散諸
親昆季也順治壬辰弗若迎養京邸時爲諫議大夫
凡有疏草必詢其故云可乃上否則止乙未分校禮
闈囑以取人大典勿負

朝廷選聘弗若遷大理少卿詢之曰此汝做評事時

兼濟堂文集

卷之十八

五

衙門耶所理犯入中有寃者卽係難民當以汝母避
難時存心若不能平反非汝父賑濟與汝大母施捨
心弗若奉教惟謹丁酉弗若以府丞督學仍提調順
天鄉闈值太淑人病弗若顧戀不去力促弗若過往
洽公事曰汝勿憂汝去病當自愈旣果愈弗若陞通
政使太淑人思歸秦弗若請假歸所過輿馬供帳甚
都道傍觀者罔不嘆慕至里建祠宇植松楸祭祀必
親假期滿至京擢兵部督捕侍郎每寓書勉以移孝
作忠况此尤民命所關汝其慎之移時弗若以養親

告歸母執其手曰兒歸孝我耶汝大父及父所行善
事汝力紹之所存詩文汝早纂之戚里匱乏汝量矜
之是之謂孝也若朝夕饗殮我性淡泊亦勿庸鼎牲
爲及病將革猶以族人諸兄弟爲囑嗚呼自蘋蘩之
詩見咏於周南教于勞逸誌媿於左氏其後奢侈相
尚壺範之克修者寡矣富貴驕人簞食豆羹見於顏
色丈夫猶且不免如劉孝標所謂不費半菽落一毛
而坐視三黨之窮困比比然也今觀太淑人之嘉言
懿行初無一毫矜飾效法古人誠懇儉樸本於自然

樂施尚義娓娓若終身不倦愛子至矣出於義方天
性自然也所謂女子而有君子之行者太淑人無愧
焉弗若自韓城二千餘里以狀來請余銘曰先母窀
窆有期匪大仁人嘉惠以文則無以表閭範也余謏
劣何足以發揚太淑人之德惟是太淑人狀內所載
誠諭之語再四覽之多有似於吾母張太夫人者是
以吟諷之際有痛於懷不禁洒淚之盈凡也猶記弗
若請養西歸日余贈以詩云爲憶高堂親菽水因辭
北闕事漁耕復有接浪河津調羹金鼎等語蓋以太

淑人有孟母之教故以河津之學調鼎之事望弗若
非諛作也今倏然五載而余遂銘太淑人之墓嗚呼
太淑人有德子賢且孝不待文而傳然形管之義留
之貞珉垂諸後禩其亦知本原之有自乎太淑人生
於故明萬曆丁亥五月十九日沒於康熙四年十月
十二日以弗若任順天府加一級

單恩太淑人享壽七十九歲子辛膺卽弗若癸未進士
官兵部督補右侍郎子女嫁娶具載別狀以康熙五
年三月十六日合葬於中大夫泰吾府君之塚余與

兼濟堂文集

卷之十八

美

弗若曾同官爲友是則宜銘

銘曰匪慈之資仁何沐匪儉之誦德奚育豐於財而
恣於睦達於宦而忘其風嗟世俗之碌碌惟太淑人
卑以自牧裕其後昆遵厥初服是宜子孫繩繩徵余
言以爲俶

太孺人錢母趙太君墓誌銘

贈太孺人錢母者侍御錢君延宅之母也先是侍御請假歸里蓋以塋母故余時掌院事侍御以其舅氏趙宮允狀來請余銘兼讀侍御所爲附述不覺洸灑泣蓋當母見背侍御財六歲耳迄今踰三十載而後塋塋之日侍御年四十有一矣故其言至悲慟余感侍御之孝且余固失恃之人也能不感而且泣又曷敢以不文辭按狀太孺人姓趙氏爲吏部侍郎謚文毅公之女孫文毅當江陵柄國奪情事起首疏劾之

秉濟堂文集

卷之十八

七

杖闕下後累遷吏侍科第蟬聯以文毅直節固應有後乃刑于徽嫩猶迤演而及於其子之女且及於其家也太孺人之父曰叙州守文度公母曰何太淑人太孺人生而羸弱時不勝衣爲何所憐愛及長歸於錢爲今封監察御史嗣聖公其舅曰湖廣憲副仍峯公姑曰趙夫人卽太孺人之從女叔也太孺人婦道克修承顏伺色不以親故少懈而肅賓祭治酒醢肉外皆稱其勤封公雖貴游乎嘗鍵戶鈔書夜分不輟太孺人篝火佐之不言倦其子臧獲媵御也悉心以

待咸有恩澤然坐是而病亦劇矣以娠後血腫病益甚然神觀爽然家人皆異其少間已竟卒卒而戚黨老幼無不哭之慟者母何太淑人指六歲兒輒嗚咽不能出聲封公傷心伉儷乃不復娶侍御孤露嘗養外家其言曰嗚呼吾母之不克見也不見而思思則惘惘如隔世但憶兒時嬉戲床第間母擲一梨亟掖之出恐驚吾父寢及戊辰出就外傳歸母命背所誦書輒了了母喜甚摩額置諸膝者再嗚呼母亡三十年矣春露秋霜泪盡繼之以血音容渺然今胸臆僅

兼濟堂文集

卷之十八

五

誌此兩事耳豈不痛哉蓋余得之於附述者如此侍御起家行人擢今官太孺人尚藁莖侍御以王事靡盬西出秦川攬轡間未嘗不中心搖搖及茶馬報竣始得請假裏事嗟乎以太孺人之賢而不幸以天災而家道幾中落矣漆燈單櫬寂寂於荒郊淺土之間者又三十餘載彼富貴繁華者彫謝知幾許乃六歲兒讀書成立繡衣持節歸守宰以下負弩矢前驅營馬鬣修芻靈邑人士觀者莫不稱孝謂錢氏有子太孺人之遺也嗟乎太孺人之目可以瞑矣矧侍御年

正疆行益淬以成文教公之宅相語曰美必歸其所
生則太孺人之綸綺重褒當必有日而又何生死之
異視哉太孺人生於萬曆辛丑年二月二十日卒於
崇禎戊辰年九月一日年二十有八子二長卽延宅
順治壬辰進士今任江南道監察御史娶張氏贈孺
人先卒女二一適太學生周王臺一孫孫男世嚴郡
庠生延宅出餘詳狀中初延宅官行人已得贈其母
爲孺人今用御史

覃恩改贈太孺人以某年月日卜塋於殿橋之新阡余

兼濟堂文集

卷之十八

五

前掌臺端與侍御有相成之雅遂綴其梗槩歸之俾
繫於麗牲之石誌已復爲銘

銘曰胡譽之芳則婦道之章胡嗣之昌則姆教之良
虞山紀堂馬鞍在陽尚湖深浚鬱鬱靈光將無忝爾
祖以女蘿附文毅公之賜藏繫惟令于克剪松區而
三十年來所涕雪而徬徨鐘詞潛闋爰表流長昭茲
孝德永矢勿忘

明倫彙編 家範典 卷之八十八 孝行 二 叅 勅封孺人郝母張太君墓誌銘

天旣生碩德之士則必生碩德之女以爲之婦天將
生奇才之士則必生奇才之女以爲之母考之傳記
歷歷其不爽矣以余所聞中山郝母張太孺人殆德
與才合而爲婦爲母之道兼備者也蓋三十年來余
往來恒陽諸親友間嘗稱述之以爲閨闈式而今以
天年終將掩諸幽侍御雪海以其所自爲狀來請曰
浴不能爲會參之養不止爲仲路之悲嚙臂灑血敢
請銘也余與雪海交久矣則何敢以不文辭按狀母

兼濟堂文集

卷之十八

六

生於定州之麒麟里唐北平公張僕射之裔也生四
歲不知步母抱詣園圃見數幼女趨走忽從懷中下
平立直行穩若素習一疇異之年八九歲母爲延女
師教之讀列女傳女誠等書識其大義暑月登樓日
課女紅不稍暇逸閭里嬉戲聚會鼓樂喧闐諸婦女
爭往觀太孺人輒堅坐不動或強之則曰我自不樂
觀此也父豪聞之嘆曰此女言動以禮他日足爲簪
珥儀型矣十三歲歸於恒瞻郝先生姑嫜具慶食指
如雲太孺人廟見後至廚作羹加減酸醎深得其性

拜獻以誠散給必周其相夫子也恭慎不怠寇屨服
飾手自縫紉恒瞻先生既博洽好學有聲燕趙間遠
近慕之多從之遊而一時鄉里小兒忌者以小忿爲
雀鼠太孺人不以爲意也紡績自給佐恒瞻先生夜
讀不倦其學乃益進每值入闈掃除廳事焚香祝天
危坐不寐曰吾聞科名鬼神所賜有陰德而勤讀書
者乃入茲選願天憐伊父子之苦志一生也於是雪
海以丙戌中鄉試己丑中會試爲名進士太孺人處
之泰然未嘗改其常度迨雪海奉命巡按四川時流
寇餘氛未滅僞大帥劉文秀率衆數十萬自成都鴟
張直抵保寧全陝震動賴雪海鎮定不搖竭力固守
時有訛傳賊信猖獗生死未可知者太孺人曰是何
傷吾兒素矢忠義此正其捐軀報國之秋也及賊平
而人咸以明智推太孺人已而雪海以事獲譴責太
孺人曰風雨雷霆莫非天之教也吾何以減減爲戊
申七月恒瞻先生卒太孺人年已七十矣猶總理家
務服浣濯之衣曳布裙坐堂上子婦暨內外孫各治
其事讀書聲與紡績聲相間時中山有孝婦割股以

療親病者延至家列上座厚贈之復告諸女婦曰孝如是天必佑之見婦人爲新髻髮髻若墮馬粧則大恨曰以若所爲其有愧於采蘋采藻之義乎蓋聞鄭衛之風多淫茲其遺習歟吾少及見太平婦女粧極古樸不圖今日所爲一至於此汝曹慎勿效之也太孺人生平勤儉慈惠事姑嫜以孝相夫子以禮教子女以慈而未嘗假借顏色有不韙必面斥之悔過而後已三族瓜葛無不調給弗恡於財遇僕婢有恩義恤其勞勩嫁娶皆從儻陋不尚華飾里黨化之尤不兼濟堂文集

卷之十八

三

信巫嫗比丘尼惑世荒唐之說有以此進者卽呵之曰勿妄語善可積福不可倖邀也與恒瞻先生舉案齊眉六十年如一日是其才德兼備可謂專一有恒者矣列諸女史又奚間焉太孺人生卒年月子女嫁娶詳具本家刻誌銘中

銘曰天一之精儲女德况此中山恒岳側鷄鳴克勤中饋職相夫好修南溟息有子爲文扶桑色奠安坤維功在國淑慎其儀逸豫聖勞生善心遠邇式我今銘之垂內則子孫繩繩伊耆域

誥封一品夫人高母李太君墓誌銘

高母李太夫人者明故大司馬經畧高公之配也夫人出自唐李臨淮後由昌黎遷居灤州其大父襲衛戶侯夢庭中有五色雲而生夫人生卽莊靜性成笄而大司馬高公以禮聘焉時公以巳丑捷南宮筮臨穎令蒞任從公朝夕拮据又奉其姑太夫人鷄鳴上堂月午未息所以襄公內治者無寧畧公用是以良卓稱第一擢入戶曹出典澣墅津門諸關夫人尤精白乃心冰蘖輔中閨公用是又以澄清濟辦稱第一

兼濟堂文集

卷之十八

三

蓋夫人內調和羹外肅砥礪以故公中外所至如建節司藩於齊朔郢楚秦晉間衡量主計日益精而夫人賢聲亦日益盛也旣而公從少司馬廷推擢中樞時正逆璫擅柄事深疾揚左諸君子以直言下詔獄夫人抗激語公曰人生直岸行一意耳公領之時從經筵陳奏其冤慘屢奉旨切責不少顧璫因故示無意加公官保俾經畧榆關出公國門所以漸驅除也公在任力圖捍衛而聽夫人歸里以督家務於是考農桑勅課讀不少怠旣而璫熾日肆外變環起夫人

先幾已及勸公曰權奸在事豈丈夫策勲時乎公從其言再疏以病得請而公與夫人遂以林泉偕老矣歸田後草衣蔬食相顧甚適至於過庭刻訓益嗃嗃不置至於恩均卵鵠則毛裏無分也教並服勤則修灑並切也亦且篝燈而宣文之帳同墨剉草而陶氏之薦盡劇也公之功伐在海內夫人之聲教在家庭迨已卯秋公先捐館夫人聚諸子姓立榻前大聲謂之曰爲世家子弟難爲名臣子弟尤難席先蔭與佩先德綿後祚與綿後聲較有厚薄也以是諸子姓雪兼濟堂文集

卷之十八

古

涕拜領感念先人清白兢兢業業或成名宦或號真儒並皆不墮家聲有聞於世則夫人之所貽者永矣夫人生於萬曆乙酉十月卒於子我立歸前大壘皇清順治辛丑六月享年七十有七子六人長回辰廩生早卒郝夫人出次應辰以庠生恩廕授戶部照磨加級擬升員外郎守制以疾卒夫人出次輔辰中癸未進士授山東范縣令次燦辰庠生俱次室劉夫人出次翼辰中壬午鄉試授磁州牧歷汝寧郡丞岳州太守分守上荆南道叅政夫人出次顯辰中戊子科

誥封淑人楊母徐太君墓誌銘

賢甫公之歿也在丙午四月越十二年徐淑人以疾告終令子迴干逾干以其自所爲狀來請銘曰鮮民之生不如死之久矣顧母德未經闡揚卽死無以塞責願丐鴻文以垂不朽敢請余聞之不禁慘然覽其狀見淑人之相夫子也如是淑人之教子也如是淑人之持家艱難而克有成也如是謂是可以垂闡範而彰形管者况余昔年已銘賢甫公之墓茲將窆而同穴焉又烏能辭遂敘次而誌之按狀淑人徐姓清

兼濟堂文集

卷之十八

三十六

淵望族也父徐太公諱應騏以樂善著鄉黨淑人少承家訓秉性貞靜賢甫公喪耦求婚於太公太公以其鉅鹿名族也遂委禽焉賢甫幼失怙恃與兄別駕公同居淑人旣歸於楊凡事必奉嫂命以行妯娌間相得無間言值辛巳歲歉人相食淑人自甘藜藿躬親紡績時率羣婢治園圃或身履田間督收穫不以分賢甫公下帷勤也賢甫公棘闈屢躋恒鬱鬱不樂曰吾其終以諸生老乎淑人曰業之不精學之不成而咎有司之不公不明耶賢甫公感其言益發憤揣

摩乙酉登賢書丙戌授南宮里中嘖嘖稱羨淑人處之恬如也賢甫公初仕聊城慈威兼布以循良稱及陞爲兵部屬官陟觀察中州郵遞又以政治最召爲尚寶司卿轉鴻臚司卿陞宗人府丞轉都察院左副都御史勤勞王事所在有聲淑人之內助相參半也本朝專設督捕司其長有督捕兵部侍郎專以緝罕逃人爲務凡百姓株連非死則流卽得脫者動至破家公適任是缺每於退食之際踟躕却立或俛首良久淑人詢其故賢甫公曰今之所總理者百姓之身

兼濟堂文集

卷之十八

卷

家性命係焉因有欲生之而不能生欲釋之而不得釋者故痛切於中也淑人曰民命至重殺不辜寧失不經是在問之於心而無歉耳賢甫公領之每遇寒暑輒施湯藥衣食以資犴狴之無告者淑人亦時出簪珥賞佐之全活甚衆故淑人一聞公救人多則喜見顏色或力所不能則輦蹙如疾首蓋天性然也先是賢甫公以少司馬卒於官淑人哀痛幾欲相隨地下顧念二子尚幼諸女有二人未出閣者丙午冬月攜諸孤弱扶柩歸里卜新兆植松楸建翁仲治喪具

拮据爲之不遺餘力丁未春恭膺

上命諭祭少司馬公太守史公行禮淑人於一切儀度俱合大典聊攝中州兩處士民舉公名宦鉅鹿紳士舉公鄉賢淑人所以幹辦而酬答之者條理秩然罔缺遠近服其德而且才也其撫二子也常泣而教之曰昔爾父力行善事乃有爾兄弟弗勉於學其何以繼書香清淵有余去疾先生者博洽儒也延爲師因僑居數載欲觀其成而二子之學且蒸蒸日上矣春秋社臘祭祀必虔每過墓典哀揮淚如雨焉賢甫公

兼濟堂文集

卷之十八

交

前配李太君遣二女淑人撫養之出閣已所生六女二子推濕就乾顧復訓誨男子皆已有室女子皆已有家粧奩纁脯之費無不出自勤儉中所積者而教二子尤嚴稍有過則督責之未嘗稍假顏色嘗曰捐助雖急公之事但在學問已成者則可汝等立身揚名當以通達義理爲先豈可遂以官廕終身而不廣其才智也吾望爾以遠大自期耳生平不好華飾食不求鮮美鷄鳴而起宵分乃寐臧獲多指耕織各有所司周恤族黨待以舉火者甚衆丁巳秋疽發於背

遂不治因語二子曰汝父盡瘁一生未嘗肯自逸豫
身後大事數年以來吾皆次第行之至於遺留詩文
纂而梓之則汝等責也我於諸男女無所偏溺願爾
等無以隔膜視同氣遺父母地下憂耳遂卒嗚呼士
大夫之有懿德善行也載在國史著之官評故歿而
有謚以旌之若夫女德則閨閣中耳匪有賢達之實
何以克彰今淑人之初于歸也有桓少君之節其相
夫也有樂羊斷機之規其教二子也有鄭夫人晝菽
之操其撫諸女也有曹大家女誡之遺貴而能勤久
而能敬卓然內則豈可不爲述而誌之以爲後之咏
蘋蘩者採乎余忝姻戚知之最詳其言皆信而有徵
非敢以溢美也孺人生於萬曆四十八年庚申二月
十七日未時卒於康熙十六年丁巳八月二十八日
卯時得壽五十有八以賢甫公進秩宗人府府丞遇
恩封淑人男子二長迺于娶余長女次迺于娶龍驤
將軍分防大同府等處叅將劉公諱得功女女八一
適鴻臚寺序班李公諱 男庠生述先一適蔚州知
州王公化行男廩生之繡以上二女係李氏出一適

刑科掌印給事中今任陝西分巡甘山道按察司副
使胡公諱悉寧一適句容縣知縣韓有倬男候補教
諭溥一適總督倉場戶部侍郎石公諱申男官監生
璋一適余長男候補員外郎勳一適丙辰科進士李
輔世男庠生若愷其一未字俱淑人出孫男一
一迺
千出孫女二一迺千出一迺千出俱幼迺千等將以
某年月日奉淑人柩耐於鉅鹿城北新莊鄉少司馬
賢甫公之墓禮也余誌之而繫以銘

銘曰學之不克不可以佩組德之不備不可以爲姆

兼濟堂文集

卷之十八

七

惟淑人之淳懿羌集蓼而茹苦相夫子於篝燈持修
綆以汲古誦女史以自箴在中饋而爲主恩斯勤斯
育子女何勞斲先兮後兮愛均乎如一乳始爲婦而
未及乎舅姑終爲母而足匡夫嚴父瞻佳城之鬱葱
倚漳滏之東浦配名德於華陰衣象服而終窶文可
播之人間石則瘞之於土歷千秋其不磨垂休聲於
芳矩

